

Ministarstvo unutrašnjih poslova Kantona Sarajevo, UPRAVA POLICIJE, ul. La Benevolencija broj 16, ID broj: 4200220350146 koju zastupa policijski komesar Generalni inspektor policije Fatmir Hajdarević, (u daljem tekstu: Ugovorni organ)

i
„BH Telecom d.d.“ Sarajevo, Franca Lehara broj 7, ID: 4200211100005, koga zastupa generalni direktor Amel Kovačević, (u daljem tekstu: Dobavljač)

Zaključili su:

UGOVOR O NABAVCI USLUGE ZAKUPA REPETITORSKOG OBJEKTA ZA SMJEŠTAJ OPREME NA LOKACIJI MOJMILO BRDO

Član 1.

Predmet ovog Ugovora je nabavka usluge zakupa repetitorskog objekta, za smještaj opreme na lokaciji Mojmiло brdo.

Član 2.

Nabavka je izvršena putem direktnog sporazuma, na osnovu odluke broj 02-11-4-1199/26 od 19.02.2026. godine.

Ponuda Dobavljača od 23.02.2026. godine je sastavni dio ovog Ugovora.

Dobavljač se obavezuje da će usluge iz člana 1. ovog Ugovora pružati tokom cijelog perioda važenja ovog ugovora

Član 3.

Ukupna ugovorena vrijednost za nabavku usluge iz člana 1. ovog Ugovora iznosi 2.220,00 (dvijehiljadedvjestotinedvadeset i 00/100) KM bez uključenog PDV-a.

Član 4.

Zaključenjem ugovora Dobavljač se obavezuje da će izvršiti smještaj sjedeće opreme:

- Komplet DMR repetitor sa antenom, pratećom opremom i radio-relejnim usmjerenim linkom
- Dobavljač je dužan obezbijediti odgovarajuće pozicije za navedenu opremu kako bi se izvršila instalacija antene kao i obezbijediti optičku vidljivost prema postojećim repetitorskim tačkama koje koristi Uprava policije radi uspostave radio-relejnog linka,
- Dobavljač se obavezuje objezbjeđiti objekat koji posjeduje sve navedeno. Lokacija objekta koordinate (43.835707 18.352020) u radijusu maksimalno 500m na dominantnoj tački u odnosu na okolinu
- 24/7 stabilno napajanje električnom energijom za repetitor kao i alternativno/rezervno napajanje električnom energijom na 220V
- Odgovarajuće uzemljenje za opremu
- Prostor za smještaj opreme mora imati mikroklimatske uslove pogodne za smještaj u skladu sa specifikacijama DMR repetitorske opreme (temperaturni rang -30 °C do +60 °C relativna vlažnost do 90%, nekondenzirajuća na 50 °C)
- Omogućen stalni i nesmetan pristup opremi Uprava policije 24/7, tj. pristup repetitorskom objektu od strane uposlenika koji rade na održavanju sistema radio veze
- Kontakt podatke i proceduru najave i ulaska u objekat
- Zakup usluge za period cijele godine (12 mjeseci)

Član 5.

Dobavljač je dužan blagovremeno pružati ugovorene usluge iz člana 1. ovog Ugovora po profesionalnim, stručnim i uobičajenim standardima koji važe za ovakve usluge koje su predmet nabavke.

Dobavljač se obavezuje da će usluge pružati u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene usluge.

UKOLIKO SE KONSTATUJU ODREĐENI nedostaci u kvalitetu ili kvantitetu izvršenih usluga sačinjit će se zapisnik o reklamaciji.

Davalac usluga se obavezuje priznati reklamaciju na kvantitet i kvalitet izvršenih usluga, koja će biti proračunata zapisnikom o reklamaciji, uz obavezno navođenje nedostataka izvršene usluge.

Način i rok otklanjanja grešaka bit će utvrđen zapisnikom o reklamaciji.

Član 6.

Ugovorni organ zadržava pravo raskida ugovora ukoliko izvršena usluga u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Član 7.

Plaćanje se vrši u mjesečnim iznosima od 185,00 KM, u roku od 30 (trideset) dana od dana urednog izvršenja usluge i dostavljanja pojedinačne fakture, na tekući račun Dobavljača.

Član 8.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese.

U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.

Član 9.

Na ostala prava i obaveze ugovornih strana, koja nisu regulisana ovim Ugovorom, primjenjivat će se odredbe Zakona o obligacionim odnosima.

Član 10.

Ovaj ugovor je zaključen, kada isti potpišu obje ugovorne strane i traje 12 (dvanaest) mjeseci.

Član 11.

Ovaj Ugovor je sačinjen u 4 (četiri) istovjetna primjerka, od kojih svaka ugovorna strana zadržava po dva (2) primjerka.



Odgovorni član Uprave
mr. Muamer Durić, dipl.ing.el.
izvršni direktor
Izvršne direkcije za tehnologiju i razvoj servisa



Broj : 01-20-660/26
Datum: 25-03-2026

Broj: 02-11-4-1199-3/26
Datum: 16.04.2025. godine.